



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CHRISTO CAPITE|| TOTIVS ECCLESIAE,|| QVINQVE LIBRIS|| explicata.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XVI. Soluuntur aliæ obiectiones ex verbo Dei petitæ.

[urn:nbn:de:hbz:466:1-53845](https://nbn-resolving.de/urn/resolver.pl?urn=urn:nbn:de:hbz:466:1-53845)

Denique si humanitas est creatura, nonne contradictionem inuoluit, ut sit, vel esse dicatur aequalis creatori? Sed respondent humanitatem Christi non esse aequalem omnino Deo, & tamen sedere a dextris eius. Nam habet quidem ipsam potentiam, & maiestatem Dei, quod est sedere ad dexteram Dei: & tamen quia id non habet a seipso, sicut habet Deus, sed habet a Deo, propterea non potest omnibusmodis aequari Deo.

At hoc non difficulter refellitur. Nam habere ab alio, oportet inaequalitatem; nam Filius Dei habet a Patre omnia, & tamen est illi verè & propriè aequalis. RESPONDENT. Filium habere naturaliter, humanitatem habere per gratiam.

CONTRA. Nam habere per gratiam, non est habere illam ipsam maiestatem, sed quandam eius participationem, quae

non sufficit ad constituendam sessionem, de qua loquimur. Denique vel est humanitas verè aequalis Deo, vel non est: si est, ergo falsum est illud, Pater maior me est, & illud, Filius subiectus erit ei, qui subiecit sebi omnia: si non est, igitur non sedet Christi humanitas a dextris Dei hoc tertio modo, sed solùm secundo modo; ex quo non colligitur ubique, ne

paulò ante demonstrauimus.

CAPUT XVI.

Soluuntur aliae obiectiones ex Verbo Dei petit.

„ **E**cundum argumentum sumunt ex dubiis locis, nam in epistola ad Philipp. cap. 2. legimus Christum esse in gloria Dei Patris. Quid hanc gloriam Dei Patris describitur, Isa. 40. v. 10. citur de Deo: Qui terram pugillo continet, & membra cum palmo. Et 2. Paralip. 2. Calum, & cœli cælorum sunt per eum non possunt. Et Hierem. 23. Cælum & terram implo. Igitur Iesus Christus terram pugillo continet, & cum palmo metitur, & cœlum ac terram implet, istud est esse ubique.

RESPONDEO ut supra, datam esse gloriam Dei Patris humanitati Christi, non in ipsa, sed in supposito, id est, ex gratiam unionis accepisse Christi humanitatem ut efficiatur.

tura Filij Dei, & proinde illum hominem Christum esse in gloria Patris, & terram pugillo continere, & cœlum, ac terram implere.

TERTIVM argumentum Matth. II. *Omnia mihi tradita sunt à Patre meo, Et Matthæi vltimo: Data est mihi omnis potestas in cœlo, & in terra: Quo loco omnis potestas, notat omnipotentiam: in cœlo & in terra, omnipræsentiam;* proinde Christus vere præsens omnia gubernat.

Addunt Brentius & Kemnitius illud Psal. 8. *Omnia subiecta sub pedibus eius. Et illud Ioan. 13. Omnia dedit ei Pater in manus. Inde verò acutè concludunt, ergo Christus ut homo, pedibus, & manibus omnia contingit. Ac ne fortè respondetur, omnipotentiam, & omnipræsentiam, vt res infinita, non posse communicari creaturæ finitæ; addunt secundo, Christo datum esse potestatem in terra dimittendi peccata. Matth. 9. quæ tamen est infinita potestas. nam quis potest dimittere peccata nisi solus Deus?*

RESPONDEO, priora duo loca posse intelligi dupliciter. PRIMO, de potentia diuina quam accepit Filius Dei à Patre per æternam generationem, & tunc non sunt hæc loca ad propositum. SECUNDO, de potentia diuina, quam accepit natura humana per unionem hypostaticam, & tunc eadē est responsio quæ ad superiora argumēta. TERTIO, potest locus posterior intelligi de potentia collata Christi humanitati in omnes creature, quæ tamen nec est absolutè omnipotentia, nec requirit omnipræsentiam. Nam solum illis verbis significatur, omnibus creaturis Christi humanitatē præesse, & ius habere in omnes. ex quo non sequitur, quod possit quidquid Deus potest, vel quod sit ubique. cur enim non possit ius habere in rem absentem? nonne apud homines id ordinariē cernimus, vt Rex in universum suum regnum ius habeat, & tamen non occupet præsentia sua, nisi exiguum angulum domus, vel cubiculi viius?

Ad PRIMAM confirmationem respondeo, mirā esse istorum peruersitatem, & impudentiam, qui tropos inueniunt, ubi minimè oportet; & ubi oportet, nolunt admittere. quid enim notius & visitarius quam per manus intelligere potest? Quid enim aliud significat illud Psalmi 94. *In manu eius sunt omnes fines terra?* Et illud Ioann. 10. *Et non rapies*

tas quisquam de manu mea? Quid item notius & vñstatis,
quām describere per subiectionem sub pedibus, attributio-
nem dominij? Adde, quod verba Psal. 8. etiam intelligen-
tur præcipue de Christo. tamen possunt intelligi etiam de
prima creatione hominis, quæ describitur in Genesi, &
men constat non tetigisse Adamum pedibus rotum mundi,
licet de ipso dictum sit: Omnia subiecisti sub pedib[us] om-
nisi forte ad fabulas Iudaicas conuertamur. Scribit eum
R. Salomon in cap. 4. Deuteronomij, Adamum tantu[m] pro-
priatatis fuisse, ut capite cœlum attingeret.

Ad ALTERAM confirmationem respondeo, si es co[n]clu-
deret aliquid, posse inde colligi etiam ceteros homines esse
vbique. Nam Ioan. 20. Christus dedit potestatem discipulis
remittendi peccata. Ac proinde, si qui potest remittere pec-
cata quovis modo, is potest esse vbique: certè Apostoli co-
rumque successores, vbique esse potuerint. Dic oigitur, se-
mittere peccata propria auctoritate, esse infinita virtus, re-
mittere autem ut instrumentum alterius, non requiriere in-
nitam virtutem, ut notum est. Iam ergo Christus, Deus,
remittebat peccata propria auctoritate; idem vero homo,
remittebat ut instrumentum diuinitatis.

QuARTVM argumentum Matth. 18. Vbi sunt du[is] velut
congregati in nomine meo, ibi sum in medio eorum. Et Matth. 18.
Ego vobiscum sum usq[ue] ad consummationem seculi.

RESPONDEO, hæc dici de Christo, quatenus adest sibi per
gratiam, & auxilium, ad quod non requiritur præsenta cor-
poralis, ut pater. Nam hoc modo, quo Christus adest congo-
gatis in nomine suo, certè non adest congregatis in nomine
alienorum Deorum: quare ex his locis non modò non cau-
gitur, eum esse vbique, sed colligitur non esse vbique.

QuINTVM argumentum Ioan. 5. Filius quos Sicut filius
est. Item: Pater non iudicat quenquam, sed omne iudicium
dedit Filio, vt omnes honorificent Filium, sicut honorifican-
t[ur] eum. Ex his enim habemus, Christo collata esse tria dona
idiomata, nimirum potestatem iudicandi; virtutem iudicandi;
& maiestatem summo honore dignam. Eadem autem
ratio est de omnibus aliis idiomatibus, ergo omnia alia dona
ei tributa; ac proinde omnipotentia, & omnipræsencia. Et
ne respondeatur, hæc data esse Filio, ut Deus est, additur ob-
iectum.

dem: Potestatem dedit ei iudicium facere, quia Filius hominis est. Et confirmat BRENTIVS ex Cyrillo libro de incarnatione, cap. 7. & 28. ubi dicit, Verbum communicasse carni suæ maiestatis operationes: & similia habet Leo epistola 83. ad Monachos Palæstinæ.

RESPONDEO, tribus modis eum locum posse intelligi. PRIMO, ut omnia quæ hic dicuntur data Christo à Patre, intelliguntur data ipsi Verbo per æternam generationem. Sic enim intelligit Chrysostomus in hunc locum, qui illud; *Quia Filius hominis est*, dicit debere coniungi cum sequentibus, non cum præcedentibus, ita ut non sic legamus, dedit ei iudicium facere, quia Filius hominis est: sed sic; *Quia Filius hominis est, nolite mirari hoc, id est, nolite mirari, si ego cùm sim Filius hominis, tamen dixerim me habere potestatem iuificandi, & iudicandi, & debere honorari ut Patrem*, nam non sum Filius hominis tantum, sed etiam Filius Dei.

SECUNDO, potest intelligi ea ratione, ut illa omnia significentur data humanitati non in se, sed in supposito, idq; per gratiam unionis, ut supra diximus de sessione à dextris. ita videntur accepisse Augustinus & Cyrillus. Ex quorum explicatione non sequitur, Christi humanitatem habere in se formaliter diuina attributa, sed solùm esse naturā eius suppositi quod illa attributa haberet.

TERTIO, potest intelligi in eo sensu, ut agatur de potestate iudicandi, non quomodounque, sed exterius & sensibiliter: quæ quidem potestas data Christo est, quia Filius hominis est. Nam quia iudex hominū in exteriori iudicio debet videri à iudicandis, ideo non Deus Pater, qui est invisibilis, iudicabit, sed iudicium dabit Filio, qui propter carnem assumptam factus est visibilis.

Ad confirmationem dico, Leonem & Cyrillum in illis locis explicare communicationem idiomatum eo modo, quo nos supra exposuimus, ita ut sit realis respectu suppositi, verbalis autem respectu naturarum. Nam ibidem docent Leo & Cyrillus, hanc communicationem esse mutuam, ita ut etiam natura humana communicauerit Verbo suas passiones, & tamen ibidem afferunt, Verbi diuini naturam esse omnino impassibilem.

SEXTVM argumentum Col.2. In Christo habitat omnis
 plenitudo diuinitatis corporaliter. Item: In ipso sunt omnes
 thesauri scientia & sapientia Dei absconditi. At si com-
 municata est humanitati Christi omnis plenitudo diuinitatis,
 certè etiam omnipotentia, & omnipræsentia.

RESPONDEO, aliud esse communicari humanitati diu-
 nitatis plenitudinem, & thesauros sapientie, quod Paulus
 non dixit; aliud inhabitare diuinitatem, & latere thesauros
 sciëtiæ in Christi humanitate, quod Paulus dixit. Nam illud
 primum significaret Christi humanitatem esse Deum, quod
 non significat hoc secundum: sicut non quia aliquis in do-
 mo habitat, ideo dicitur domus esse homo, aut habere for-
 maliter attributa hominis: solum ergo Paulus voluit dicere
 in Christi humanitate habitare diuinitatem corporaliter, id
 est, non vmbriticè, ut in Angelis & Prophetis, qui gerebant
 Dei personam, sed verè ita ut ille homo vere fuerit Deus, &
 illa humanitas, Dei fuerit humanitas.

SEPTIMVM argumentum, cap.4.ad Ephes. Ascendit sa-
 per omnes cœlos, & adimpleret omnia. Quod exponit Ozv.
 M EN I V S hoc modo, quia antea diuinitate omnia reple-
 rat, descendit & ascendit, ut etiam carne omnia replete: sibi
 videtur velle Christum ad eum modum replete omnia
 corporali præsentia, quemadmodum antea omnia reple-
 rat maiestate diuinitatis. Item THEOPHYLACTVS ibidem
 dicit, non fuisse impedimento Christo descensum ad ascen-
 sum, quia nimis simul poterat ubique esse.

Respondeo, PRIMO, illud; Ut adimpleret omnia, posse in-
 telligi de adimplectione vaticiniorum. Nam fuerat prædicta
 à Prophetis tam descensio quam ascensio, & quamvis hanc
 explicationem irrideant aduersarij, tamen adhuc eam non
 confutârunt. SECUNDO, dico posse intelligi de imple-
 nione locorum, sed per effectus suos. Voluit enim Christus omnia
 replere gloria sua, & in omnibus operari mirabiliter.
 TERTIO, potest intelligi de repletione locorum successiva,
 accipiendo pet loca, genera locorum, sicut dicitur aliquis
 fuisse in tota Europa, quia fuit in omnibus prouinciis Eu-
 ropa, et si non fuerit in omnibus oppidis, vel dominibus Eu-
 ropa. Ita enim Christus fuerat in terra, ambulauerat super
 mare, fuerat in aere, in cruce, fuerat sub terram, in inferno.

Debet

Debuit ergo ascendere in cœlum, ut omnia loca præsentia sua illustraret & repleret.

Immò hic idem locus manifestè docet, Christum non repleuisse omnia præsentia carnis suæ; nam descendere, & postea ascendere repugnat repletioni: debuisset potius diffundere se, quām descendere & ascendere, si omnia simul replere volebat; immò nec fuit opus descēdere, vel ascendere, vel etiam diffundere se, si vbique semper fuit.

Nec Oecumenius & Theophylactus contrarium docent. Nam OECVMENIVS solùm ait; Christi carnē repleuisse omnia. Quod intelligitur eo modo quo poterat, id est, non simul, sed successiuè obeundo omnia loca. Et THEOPHYLACTVS non dixit Christi descensum non impediisse, quo minus simul ascenderet, sed non impediisse, quo minus ascenderet, nimirum postea. Hortatur enim Theophylactus ad humilitatem, & ostendit, quod quō magis hīc sese aliquis deiicer, eō magis exaltabitur, sicut in Christo factum est. Itaq; perpetram hi duo auctores allegantur ab auctoribus Concordiæ.

C A P V T XVII.

Soluitur argumentum ex ipsa incarnatione ductum.

CTAVVM argumentum. Per incarnationem id factū est, ut esset vna persona Deus & homo; persona autem est individua substantia; ergo non potest vna pars personæ ab altera vlo modo diuelli, ergo vbiq; est vna, ibi est altera. Confirmatur PRIM. MO, ex Concilio Chalcedoneus act. 5. & Concilio VI. act. 17. & LEONE epist. 83. ad Monachos Palæstinæ, vbi habemus incarnationem factam esse ex duabus naturis individuis inseparabiliter, & inconfusè; ergo vbi vna est, etiam est altera. alioqui quomodo sunt individuae & unitæ inseparabiliter, si vna est in cœlo, & altera est in terra? & confirmatur ITERVM ex DAMASCENO, lib. 3. cap. 3. qui non solùm dicit naturas in Christo unitas esse inseparabiliter, sed etiam adiutorias, id est, indistanter, ergo vna nūquam distat ab altera. At quomodo non distant, si vna non est, vbi est altera? Confirmatur